

【線上學習】李秉璋原作

神奇、神奇盡神奇，上課毋使趕，交通毋會塞，想愛學麼个斯學麼个。先生任恁擇，時間任恁選，三更半夜也做得，先生講到生趣又清楚。但做得係學生仔个先生，也做得做先生个先生，總講佢桃李滿天下，毋使準備拜師禮，毋使繳學費，你想愛學，佢斯會教。

不管你係巧神¹抑係慧當²，佢全都收。佢無擇學生仔、無擇時間、無擇地方，單單擇你，擇你想愛學个心。這條學習个革命，這條時代个轉變。來著急、來著遽，跔得著大進步，斯像膺身胥有仙人指點，武功大進。

馬桶毋曉修理有人教，鏈鋸毋曉發，一步一步來，秘訣³教你知。網路線个接頭線路毋曉排，有人教你色目愛分明，五彩六色照順序，工具又特別，頭尾一下摺佢夾落去，接頭插好網路就通。

雖然講一隻銀角仔毋會響，毋過先生大部分都係自家在該做

戲，講到口水波潑、精神飽滿、歡頭笑面，斯像毋會恹合有耐心！一遍教毋會，過教一遍，你想愛學幾多回斯學幾多回，學到你自家毋愛學。

千里緣分一線牽，天下全在恁彈指之間。現代生活當舒適，冷氣吹，彈指間，毋使出門、毋使尖車，想愛仰般學斯仰般學。就算係疫情時節，學校个線上教學，有一息無恙自由，毋過也有人非常認真，一片聽課，一片查資料，正經係講一知三，師傅渡入門，修行在個人。上課講義自家留，毋使抄，三隻快速鍵一撤，滑鼠一箱，講義黏時留下來。

當日上課紀錄先生有錄製，驚你單單係「用手機上課定」，人毋知走哪位去。所以先生上課會問問題，一半問，一半係在該點名，看你心思有在這無？認真上課个，回答無問題，又講頭斯知尾，無用心个也無問題，平平無問題，這個係毋知半項，所以無問題。連先生喊佢回答，但也像在人間消失，無鏡頭、也無回答聲，訊息欄裡肚也無留字，所以佢正經係「用手機上課定」。

線上學習，成就隨在人，逐儕有選擇个自由，斯愛對自家个人生負責定。對自家未來正經个慷慨，就係摺一切都貢獻分現時。今日个恁，成就留早个恁。

¹ 巧神：音 kiauˊ shin；聰慧，屬具特殊能力的聰明。

² 慧當：音 ngongˊ dongˊ；呆愚、傻呼呼。

³ 秘訣：音 biˊ gied；訣竅，指事物的要領、竅門。

【火燒崗頂】李宜諭原作

在鄉下，鬧鬧熱熱個舊曆年一過啊忒，又伸著恬靜個生活。毋過，行過消防隊時節，會看著該一臺一臺個消防車駛出車庫停在路脣，雖然看毋著無閒直掣个身影，乜聽毋著緊張刺耳个警報聲，毋過，空氣裡背個一息仔愛停動个電波，一種神經掛絀个氣氛。

舊曆二月係美濃人掛紙个時節，恁多年天時反常，春雨慢到，二月个崗頂燥絲絲仔，所以，第一隻拜六掛紙个臨暗仔開始，就會看著崗頂出現沖天个煙，續下來紅紅个火蛇就飄出來咧，阿姆哀哟，火燒山哩哟！消防車个身影像走相追樣春等出，警報聲在街路咻等過¹，一臺、兩臺、三臺……總概出動，毋過，斷烏過後就難耐咧，高不將換手腳流掠个阿兵哥，擎等鏟仔、刀嫲摺附近个竹頭、樹仔、草劈出斷火路。

第二日打早，「轟……叮叮叮叮、叮叮叮叮」直升機个聲音就在天頂來來去去響無停。「直升機去美濃湖畱水咧哟！」美濃湖黏時鬧熱起來，大家遠遠號隻好位仔，坐下來定定仔看等直升

機在湖面畱水个景象。遠遠飛過來个直升機，會到美濃湖个時節，就會慢慢仔降下來，等到肚屎下背个大袋仔揸著²水面，佢就會煞煞摺袋仔向前拖一下正掛起來，淦淦一大袋个水就吊起來咧，續等摺這恁大袋个水晃晃激激³吊到廣善堂背个山崗頂，對半天高倒啊下，恁大袋个水黏時化做一陣白白个濛煙散淨淨。

天頂个直升機一輪又一輪，對打早飛到斷烏；山腳下消防車个水一管又一管緊洩；崗頂紅紅个影跡對山前遮到山背、對山坪遮到山頂。更深夜靜个暗暗，總會聽著竹頭燒到劈哩臥啦⁴響个聲，火屎就跔等風滿哪仔飛，天光時節，家家屋屋个屋頂還過大路、田肚全全係烏烏个火屎。崗頂个火日燒夜燒，山下个消防車、救護車、阿兵哥乜日夜掌等……下把仔伸著沖天个白煙，大家想愛歇睏一下个時節，紅紅个火尾⁵嘅又好恬恬仔飄出來，就恁樣一直愛燒到掛紙結束。

火燒山崗對環境、對山林个破壞非常大，看著劈竹頭个阿兵哥分樹杈仔劃到手摺面都血流血著，實在分人毋盼得，掛紙个方式係毋係需要鄉親好好來思考、參詳呢？

¹ 咻等過：音 hui nen' go'；疾駛而過。

² 揸著：音 dui do'；碰觸到。

³ 晃晃激激：音 gong gong geb' geb'；因搖晃使得水從容器中溢出來。

⁴ 劈哩臥啦：音 pi li pa la；竹子燒裂的聲音。

⁵ 火尾：音 fo' mu'；火焰的頂端。

【鵓婆飛啊飛】張瑞玲原作

打早，日頭正對東片鵓婆背¹个後背爬起來，輝煌又晟眼个金線射落天頂。佢躁等該臺一騎斯歸路響个老自行車，來到佢个百果園，還話著講今晡日日頭一出斯來到這位，算當早咧！無想著，正踏落園肚，隔壁種大梨个阿權哥斯在該大聲喊咧！「喂！日頭恁高咧正到哦，敢做有事？」

唉！佢都恁早咧，還輸佢，這阿權哥係歸暗暗毋使睡係無？做麼个做得七早八早斯來到這位？心肝肚還想等，嘴叮又毋肯認輸，對嘴斯應佢：「無啦！毋係來做事，係來看鵓婆得似²啦！」

佢个園在龍崙園等个窩肚，若係堵著像今晡日恁樣个好天時，打早斯會有三、四隻大鵓婆，在四園个山嶼頂飛啊飛仔。

謬阿權哥个嘴鼓都還吉打煞，聽著遠遠个位所傳來「咻！咻！」个聲，鵓婆出來咧！阿權哥看著鵓婆出來，做等个山園事頭也無掛做咧，跔等一陣來搨接梨仔个工人，坐在佢該工寮个蔭影³下欣賞這齣大自然个表演。

看佢兜閑開長个翼胛、跔等燒氣，慢慢迂、定定仔盤，越迂越高、緊盤緊遠，背尾變成天邊个一隻烏點，當像優雅个天頂王者，對天頂看等佢兜守護个土地。

成下仔，會看著佢兜胸挺挺、目叮叮停在脣頭个樹樑頂高，好恬恬無聲無哨斯春往下，一瞞目轉身又飛往上，尖尖利利个爪叮，拖等一尾挨著神頭个蛇哥，斯一路「咻！咻！咻！咻！」風神哎⁴飛落密密个樹林裡肚。

又成下，看佢兜在高高个天頂盤來飛去，忽然間，兩片翼胛一收，對天頂直直梓往下，佢个心肝肚還想等：「這隻鵓婆這下穩死無命咧！」毋過，看佢強強都會撞著地泥咧，翼胛一閉、利爪一伸，在頓恬个一瞞目時間，佢該雙利爪叮，毋知哪時抓著一隻廝身還在該扭啊扭个大老鼠，一轉身又飛到半天高咧！

歸陣人看鵓婆表演看到嘴擘擘仔，有人講：「難怪，在這埕山園做恁久个事，難得看著蛇哥，斯係有這兜鵓婆守顧這搭土地，戴在這四園个老嫩大細正好平安生活啊！」

¹ 鵓婆背：音 thau⁺ po zui⁺；東勢東方山峰名，華語稱高背山。

² 得似：音 ded siit⁺；語助詞，表確定。

³ 蔭影：音 lim⁺ thang⁺；樹下照不到太陽的地方。

⁴ 風神哎哎：音 fung⁻ shin ngai⁻ ngai⁻；洋洋得意。